

Mahisa tsghatá lwa Pwal ña la 2 La Tesalunik

Ga zgu

¹ I'i Pwal, kawadaga nda i Silas nda Timute, ta vinda na ðelewer na ña kaghuni Igliza Lazglafta ma luwa Tesalunik, kaghuni ta nzakway ka ña Da mu Lazglafta, nda Mghama mu Yesu Kristi ya. ² Ka nza zðakatahufi nda zðakwa i Da mu Lazglafta nda Yesu Kristi ta ghəña kaghuni.

Dza'a sasa Yesu da tsa guma

³ Zwanama ða, hað ñni ta zlanja rfanaghatá Lazglafta ta ghəña kaghuni wa. Nda nza tsaya tðukwa, kabga ta dza'a ta kəma ta kəma zlgħay nda ñudufa ghuni, nda ðvu ta dza'a ta kəma ta kəma magə inda kaghuni ña sanlaha ya. ⁴ Tsaya ta kəl ñni ka ghubakwa ñni ta ghəña kaghuni da sanlaha ma Igliza Lazglafta. Kaghuni ná, ñanaña kuni ta zlgħay nda ñuduf, ka su'a ghuya ðanwa nda giri ta gə lu ña ghuni.

⁵ Tsa ghuya ðanwa ya ta maray kazlay: Tudukwa guma Lazglafta kə'a, ña klaftani ta kaghuni ka gwal nda ra ña da ga mghama Lazglafta, ya ta ghuyə kuni ta ðanwa ta ghəñani ya. ⁶ Skwi tðukwa dza'a magata Lazglafta, na tsa ghuyanaptá ðanwa dza'a ghuyanapta tsi ta tsa gwal ta ghuyaghunaptá ðanwa ya guli. ⁷ Ma zlagapta dza'a zlagapta Mgham Yesu Kristi ná, dza'a vlaghunavla ta mbi'a vgha ta kaghuni ta ghuytá ðanwa ya, nda añni tani. Ta luwa dza'a saha tsi kawadaga nda duhwalha Lazglafta gwal nda mbra ya. ⁸ Ma takataka vu ta zlgħaku dza'a saha həñ ña ghuzlanaptá iri ta gwal kul snanťá Lazglafta*, ta

* 1:8 Grawa nda Isaya 66:15.

kwalaghutá snatá Lfida Gwada Mghama mu Yesu Kristi ya. ⁹ Tsa ghuzla iri dza'a ghuzlanapta lu ta həŋ ya ná, tsaya zadánatá həŋ dza'a zadánata lu di'ŋ nda wa ira Mgham Yesu, nda glakwa mbrakwani† tani. ¹⁰ Ma sahani dza'a magakwa tsaya, ŋa zləzlvay inda gwal ta zlgħafta, ŋa ndərmimay inda taŋ nda ndərmima. Tekw kaghuni mataba taŋ, kabga zlgħafzlgħa kaghuni guli ta gwada ya mnaghuna ŋni.

¹¹ Tsaya ta kəl ŋni ka gdata ta maga du'a da Lazglafta ta ghəŋa ghuni, kada nzata kuni ka guram nda skwi ya hgaf tsi ta kaghuni, ka zlgħaftá kuni ya. Ka katá tsi ta kaghuni nda mbrakwani, ŋa magay ghuni ta skwi dínadina, nda ya ŋa yifanaftani ta zlgħay nda ŋudufa ghuni. ¹² Mantsa ya tama, dza'a mutsay hga Mghama mu Yesu Kristi ta glaku nda ma kaghuni, ŋa vlagħunatani guli ta glaku. Nda nza tsaya ka zdakatahuda Lazglafta mu nda Mghama mu Yesu Kristi.

2

Skwi dza'a magaku ta saha Yesu

¹ Zwanama dá*, ta kumay ŋni ta mnaghunatá gwada ta fitika sagħa dza'a sagħa Mghama mu Yesu Kristi, nda gwada ta fitika tskavata dza'a tskavata mu ta kəmani ya. Wya skwi ta ndəbu ŋni ta dzvu da kaghuni: ² Ka mamu mndu ta mnaghunata kazlay: Sagħasa fitika sagħa Mgham Yesu kə'a, yaha kuni da zləŋ ka ghuya ghəŋa ghuni. Dər má la anabi tsi, dər má snaŋ nda sna a kuni ta gwaday, dər i'i a ta vindaghunafta ká lu má mnaghunata. ³ Yahayaha mndu da nanaftá kaghuni dər nda wati ma tsakalawi. Gi banjaləŋ a dza'a sagħa tsa fitik ya wa. Makəd tsaya ná, nda ndəgha gwal dza'a gaftá sidi nda

† 1:9 Gray nda Isaya 2:10, 19, 21. * 2:1 Gray nda 1 Tesalunik 4:15-17.

Lazglafta, ɲa saba tsa ghwadaka mndu ya dɔɔɔy ta dabi. Tsatsi mndu ta nzakway ka ghuma. ⁴ Dza'a sli'avafsi'a ta ghɔɲa inda skwi nda ghuɔa, nda ya ta ghɔɲa inda skwi ta tsɛlɔu lu ta tsɛlɔu ta kɔmani. ɲa nzamtani ma hɔga Lazglafta, ɲa mnayni kazlay: I'i Lazglafta[†] kɔ'a. ⁵ Mnaghunamna yu ta inda tsa skwiha ya ma fitika nzakwa ɔa da kaghuni. Zaghunapza ra? ⁶ Ndanana nɔ, nda sna kuni ta skwi ta ɲaghutɔ tsa ghwadak ya. Ka saghasa tsa fitikani ya nɔ, dza'a zlagapzлага. ⁷ Aɲ mndani, nda ghada ta magakumagaku slnahani. Ma tsanɔɲta tsa mndu ta ɲaghuta ya ta tvi dza'azlay nɔ, kdekkek a dza'a maga tsi ta slnani wa. ⁸ Dza'a sabsa ta dabi. Ma sagha dza'a sagha[‡] Mghama mu Yesu ma glakwani, ɲa zadanatani nda hafu dza'a vuslagapta tsi ma wani. ⁹ Nda mbrakwa halaway dza'a saba tsa ghwadaka mndu ya, ɲa magayni ta inda mazɔmzɔmha, nda inda skwi ya ta ndrakawu lu nda ndrakawa, nda inda mandɔrmimi ɲa nana[§] mnduha. ¹⁰ Dza'a magay ta inda ghwadaka skwiha ɲa nanaghatɔ gwal ta zada ghɔɲa taɲ, kabga kwalaghuta taɲ ta tsu'afɔ, ɔvaf a hɔɲ ta kahwathwata mɔ dza'a mbanafɔ hɔɲ ya wa. ¹¹ Tsaya kɛl Lazglafta ka ghunagatɔ mbrakwa zadaku ta ghɔɲa taɲ ɲa zlghafta taɲ ta tsakalawi, ¹² kada tsanaghata Lazglafta ta guma ta inda tsa gwal ta kwalaghuta zlghaftɔ kahwathwata, zɔɔɔgana maga ghwadaka skwi ta hɔɲ ya.

Nzaku ka mnda zlghay nda ɲuduf nda diha

¹³ Aɲni, nda ra ka rfay ɲni ta Lazglafta ta ghɔɲa kaghuni zwanama. Dvudva Mgham Yesu ta kaghuni kabga Lazglafta ta zbaptɔ kaghuni daga ta taɲtaɲ, ɲa mbaughafɔ nda ma slna Sulkum, ka faghutɔ kaghuni nda ghuɔa, ma zlghafta ghuni nda ɲudufa ghuni ta tsa

[†] 2:4 Gray nda Daniyel 11:36, Izekiyel 28:2. [‡] 2:8 Gray nda Isaya 11:4.

[§] 2:9 Gray nda Mata 24:24.

kahwathwata ya. ¹⁴ Ɔa tsaya kəl tsi ka hgaftá kaghuni nda ma Lfida Gwada ya mnaghuna Ɔni, Ɔa mutsafta ghuni guli ta glakwa hga Mghama mu Yesu Kristi. ¹⁵ Tsaya tama zwanama da ná, dihavawa diha, ka Ɔanata kuni ta inda tsa skwiha taghaghunaf Ɔni ya, dər ya mnaghuna lu nda mna, dər ya vindaghunafta lu nda vinda a tsi.

¹⁶ Ta maga du'a yu da Mghama mu Yesu Kristi tsatsi ka ghəjani, nda ya da Da mu Lazglafta ya ta dƳutá amu, ya ta zďantá hudi ka lƳamatá Ɔuduf Ɔa kďekedzeƆ, nda skwi faf mu ta ghəj tida. ¹⁷ Ka lƳaghunatá tsi ta Ɔuduf, ka vlaghunatá tsi ta mbrakwa gďata ta maga skwi dinadina ma slna nda ya ma gwada.

3

Magawa du'a ta ghəja aƆni

¹ Skwi ya ta pďaku tama zwanama da, magawa du'a ta ghəja aƆni, kada dza'a gwada Mgham Yesu ta kəma ta kəma misimmisim, nda ya Ɔa ghubaray mnduha manda ya ta magaku da kaghuni ya. ² Magawa du'a guli ta ghəja aƆni Ɔa kataƆnatani da mnduha ta sidi, kabga inda mndu a ta tsu'a na gwada ta mnə Ɔni na wa.

³ Mgham Yesu ná, vərda mndu ya, dza'a mbraghunafm-bra, Ɔa nghayni ta kaghuni da halaway*. ⁴ Wya skwi graf Ɔni ta ghəja kaghuni ma ndi'atá vgha Ɔni nda Mgham Yesu: Ta ƆanaƆa kuni ta hidaku ya ta vlaghunata Ɔni, nda gďata ta gďata kuni ta magay nda ya dza'a kuni magay manda tsaya.

⁵ Ka maraghunamara Mgham Yesu ta tvi Ɔa dƳuta ghuni ta Lazglafta, nda ya Ɔa hbay ghuni ta Ɔuduf manda Ɔa Kristi.

Maga slna manda va Ɔa Pwal

* 3:3 Gray nda Mata 6:13, Yuhwana 17:15.

⁶ Zwanama da, ma hga Mghama mu Yesu Kristi ta mna ηni ta na gwada na ηa ghuni, tsaghwa vgha tavata mnda zlghay nda ηuduf ta yadi, kul had ta maga skwi taghaghunaf ηni. ⁷ Kaghuni, nda sna kaghuni ta skwi ηa magay, ηa ksay ghuni ta sada ηni. Ma nzakwa ηni da kaghuni ná, nza a ηni ka gwal ta yadi wa. ⁸ Zan a ηni ta skwa zaya mndu ka mbalay wa. Anni ka ghəηa ηni ta slavapta nda rvidik tani, nda fitik tani ka maga slna ηa zay ηni, kabga va a ηni ta ghuyaghunaptá danwa† ta ghəηa skwa zay ηni wa. ⁹ Nza a vəl magay ηni mantsa ya kazlay, ra a ka mutsay ηni ta skwi da kaghuni wu kə'a wa. Nda nza tsa slna magə ηni ya ηa tagha skwi ηa ghuni. ¹⁰ Ma tsa fitika nzakwa ηni da kaghuni ya ná, wya ka ηni si ta mnaghunata: «Ka va a mndu ta maga slna ya wu ná, ma vlan kuni ta skwa zay guli,» ka ηni.

¹¹ Tsa nzakwani ya, sanəghasna kazlay mamu san-laha ta yadi mataba ghuni, kul had ta maga slna kə'a. Ta ghəηa valu da kiwa ghatalakw yeya skwi ta magə həj. ¹² Skwi ta mnə ηni ηa tsa mnduha ya, nda hga Mgham Yesu Kristi na: Magawamaga ta slna nda tvani, ka mutsa kaghuni ka ghəηa ghuni ta skwi ηa zay ghuni, ka ηni.

¹³ Kaghuni ya zwanama ná, ma hərfaku kuni ta maga skwi dina. ¹⁴ Ka had yu ta sna tsa gwada vindaf lu ya wu, ka mndu katsi, mnanaηwa mnduha demdem, ka dgaghuta kuni ta vgha nda tsi, ηa ksafatani ka hula. ¹⁵ Nziya nza tsi, yaha kuni da klaftá həj ka ghuma ghuni. Zlahawazlaha nda tvani, kabga zwanama ghuni ya.

¹⁶ Ka vlaghunavla Mgham Yesu tsatsi ka ghəηani ta vla zdaku ya, ta zdaku dər ta wati luwa tsi. Ka nza Mgham Yesu kawadaga nda kaghuni demdem.

† 3:8 Gray nda Slna gwal ghunay 20:34, 1 Tesalunik 2:9.

¹⁷ I'i Pwal ta vindaghunafta nda dzva da, ta ga zgu yu na ghuni. Tsaya thata dzva da ta inda delewerha ta vindafta yu. Mantsa ya ta vinda yu.

¹⁸ Ka nza zdashahuda Mghama mu Yesu Kristi kawadaga nda kaghuni demdem!

Deftera Lfiċa Dżratawi New Testament in Hdi

copyright © 2013 Wycliffe Bible Translators, Inc.

Language: Hdi

Translation by: Wycliffe Bible Translators

Contributor: Wycliffe Bible Translators, Inc.

Copyright Information

© 2013, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Hdi

© 2013, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

